



Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



PSH. nr.41/18
45/18

PANELI SHQYRTUES, i emëruar nga kryetari i OSHP-së, në bazë të nenit 105 dhe nenit 106 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092, në përbërje z. Goran Milenković – Kryetar, Nuhi Paçarizi -Referues, z. Blerim Dina - Anëtar, duke vendosur sipas ankesës së parashtruar nga operatorët ekonomik “SODEX GROUP SH.P.K”- Prishtinë dhe “N.T.SH.”M.S.MEDICOM”-Prishtinë, kundër njoftimit për dhënie të aktivitetit të prokurimit, me titull “Furnizim me alkotesta”, me nr. prokurimi: 214-17-106-121, të iniciuar nga Autoriteti Kontraktues (AK) – Policia e Kosovës, më datë: 21.02.2018, mori këtë:

V E N D I M

I. APROVOHEN, si pjesërisht të bazuara ankesat e operatorëve ekonomik “SODEX GROUP ” SH.P.K dhe N.T.SH.”M. S. MEDICOM”-Prishtinë, lidhur me aktivitetin e prokurimit me titull: “Furnizim me alkotesta”, me nr. prokurimi: 214-17-106-121, të iniciuar nga Autoriteti Kontraktues (AK) – Policia e Kosovës.

II. VËRTETOHET njoftimi për dhënie të kontratës, lidhur me aktivitetin e prokurimit me titull “Furnizim me alkotesta me nr. prokurimi: 214-17-106-121, iniciuar nga autoriteti kontraktues AK-së /Policia e Kosovës/.

III. Autoriteti Kontraktues në afat prej 10 ditësh duhet ta informoj me shkrim Panelin Shqyrtues për të gjitha veprimet e ndërmarra lidhur me këtë aktivitet të prokurimit.

IV. Mos respektimi i këtij vendimi, detyron Panelin shqyrtues që konform dispozitave ligjore të nenit 23.9 dhe 131 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, Ligjin 05/ L-068, dhe Ligjin 05/ L-092, të ndërmarr masa ndaj Autoritetit Kontraktues.

V. Me qenë se ankesat e operatorëve ekonomik ankues: "SODEX GROUP SH.P.K"-Prishtinë dhe "N.T.SH."M. S. MEDICOM"- Prishtinë, aprovohen si pjesërisht të bazuara, iu kthehet tarifa e ankesës në shumën e deponuar me rastin e parashtrimit të ankesës.

VI. Obligohen operatorët ekonomik ankues që konform nenit 33 pika 6 të rregullores së punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën ju bëhet konfiskimi i depozitës dhe këto mjete kalojnë në Buxhetin e Republikës së Kosovës.

ARSYETIM

Njoftimi për kontratë në lidhje me këtë aktivitet të prokurimit është bërë me dt:16.10.2017.

Hapja e ofertave është bërë me dt:22.11.2017, ku kanë marrë pjesë 6 (gjashte) operator ekonomik.

Letra standarde për Operatoreve Ekonomik:" SODEX GROUP " SH.P.K dhe N.T.SH."M.S.MEDICOM" PRISHTINË, si tenderues te pasuksesshëm nga Autoriteti Kontraktues, është dërguar me dt:09.01.2018

Njoftimi për dhënie e aktivitetit të prokurimit nga Autoriteti Kontraktues është bërë me dt:08.01.2018

Kundër njoftimit për dhënie e aktivitetit të prokurimit operatorët ekonomik: "SODEX GROUP " SH.P.K me 29.01.2018 dhe N.T.SH."M. S. MEDICOM" PRISHTINË, me dt: 26.01.2018, ka bërë kërkesë për rishqyrtim tek autoriteti kontraktues.

Me dt: 17.01.2018, autoriteti kontraktues ka marr vendim dhe refuzon si të pa bazuar kërkesën për rishqyrtim e operatorit ekonomik"SODEX GROUP " SH.P.K dhe N.T.SH."M. S. MEDICOM" PRISHTINË

Operatori ekonomik ankues:" SODEX GROUP"SH.P.K 29.01.2018, me nr. 45/18 dhe N.T.SH."M. S. MEDICOM" PRISHTINË, 26.01.2018, me nr. 41/18 si palë te pa kënaqura, kane deponuar ankese në OSHP, kundër njoftimit për dhënie e aktivitetit të prokurimit me titull:" Furnizim me alkotesta", me nr. prokurimi: 214/17/106/121, të iniciuar nga Autoriteti Kontraktues (AK) – Policia e Kosovës,duke pretenduar se:

- Autoriteti kontraktues ka vepruar në kundërshtim me nenin 28,59, 60 dhe 69 LPP-së, të Ligjit për Prokurimin Publik të Republikës së Kosovës,.

Organi Shqyrtues i Prokurimit, konform nenit 113 dhe 114 të LPP-së me datë 30.01.2018, ka autorizuar ekspertin shqyrtues, për të shqyrtuar vlefshmërinë e të gjitha pretendimeve të palës ankimore.

Eksperti Shqyrtues në raportin e dt: 08.02.2018, në lidhje me pretendimet ankimore të "SODEX GROUP " SH.P.K me 29.01.2018 dhe N.T.SH."M. S. MEDICOM" PRISHTINË, ka sqaruar: duke u bazuar në dokumentacioni që ka në shqyrtim, konstaton se autoriteti kontraktues, në aktivitetin e prokurimit: "Furnizim me alkotesta " , me numër të prokurimit 214-17-4710-121 iniciuar nga autoriteti kontraktues (AK) — Policia e Kosovës Lloji i kontratës është kontratë publike furnizim vlerë e mesme. Dosja e tenderit përfshinë termet dhe kushtet materiale të saja, procedurën e zbatueshme të prokurimit, kërkesat të aplikueshme të përshtatshmërisë dhe kriteret e përzgjedhjes.

OE ankues N.T.Sh."M.S. Medicom" pretendon se operatori ekonomik i rekomanduar për kontratë "AR&BUS" Sh.p.k është i pa përgjegjshëm pasi që nuk i ka plotësuar kërkesat e AK lidhur me specifikat teknike të parashtruar në dosjen e tenderit

Pajisja e prezantuar në ofertë **AleoQuant 6020 Plus** , nuk i plotëson kërkesat e Dosjes së tenderit me specifikisht nuk i plotësuar 3 (tri) kërkesa.

- 1) Maksimumi i Gabimit të lejuar në testim është 0.05‰ (zero pikë zero pesë promila).
- 2) Lagështia relative e ajrit për matje min 10% -max 100%
- 3) Gati për përdorim —Maksimumi i kohës <5 sekonda

Eksperti ka konstatuar se OE "AR&BUS" Sh.p.k në ofertë ka prezantuar pajisjen **Aleo Quant 6020 Plus**. Në bazë të katalogut të prezantuar janë paraqitur këto specifika;

1) Maksimumi i Gabimit të lejuar në testim është $\pm 0.05\text{‰}$ (zero pikë zero pesë promila).

- Diapazoni 0 deri 1 ‰ : $\pm 0.05\text{‰}$ absolute.
- Diapazoni >1 deri 2 V_{O_2} : $\pm 5\%$ e vlerës së matur - Diapazoni > 2 ‰: +10% e vlerës së matur

2) Lagështia relative e ajrit për matje min 20% -max 98%

Gati për përdorim —Maksimumi i kohës < 6 sekonda

OE ankues N.T.Sh."M.S. Medicom" pretendon se operatori ekonomik i cili është vlerësuar përgjegjshëm nga AK-Police e Kosovës "Sodex Group" Sh.p.k është i pa përgjegjshëm pasi që nuk i ka plotësuar kërkesat e AK lidhur me specifikat teknike të parashtruar në dosjen e tenderit .Pajisja e prezantuar në ofertë Pajisja Alco

True P nuk i plotëson kërkesat e dosjes së tenderit më konkretisht nuk i plotëson tri kërkesa, **Kërkesat nga AK**

- 1). Maksimumi i Gabimit të lejuar në testim është $\pm 0.05\%$ (zero pikë zero pesë promila).
- 2). Gati për përdorim — Maksimumi i kohës <5 sekonda
- 3). Temperatura e operimit e min -10°C -max $+45^{\circ}\text{C}$

Eksperti konstaton se OE "Sodex Group" Sh.p.k në ofertë ka prezantuar pajisjen Alco True P. Në bazë të katalogut të prezantuar janë paraqitur këto specifika;

OE "Sodex Group" Sh.p.k ka dorëzuar katalogë për pajisjen Alco True P

1) Maksimumi i Gabimit të lejuar në testim është $\pm 0.05\%$ (zero pikë zero pesë promila). -Diapazoni 0 deri 1 %0.017%0 absolute.

-Diapazoni >1 deri 2 %0: + 4% e vlerës së matur

-Diapazoni > 2 %0: $\pm 8\%$ e vlerës së matur

2). Temperatura e operimit e min -10°C -max $+50^{\circ}\text{C}$ (një njërin katalog)

Temperatura e operimit e min -5°C -max $+50^{\circ}\text{C}$ (një njërin katalog)

Kërkesa e AK ka qenë Temperatura e operimit e min -10°C -max $+45^{\circ}\text{C}$ 3}. Gati për përdorim —maksimum i kohës < 6 sekonda

Me datën 17 Nëntor 2017, N.T.SH M.S."Medicom" ka paraqitur kërkesën për rishqyrtim ne raport me dosjen e tenderit lidhur me specifikat teknike është kërkuar uljen e standardeve teknike të larta të Dosjes së Tenderit. Kjo për arsyen se kërkesat e larta të dosjes së tenderit do ndikonin ne çmim shumë të lartë të pajisjeve.

Me datën 21 Nëntor 2017, AK merr vendim për refuzimin e kërkesës për rishqyrtimi në lidhje me specifikat e teknike ka konfirmuar se " specifikat që janë përcaktuar ry:5 bazë të LPP duke përfshirë kufi të tolerancë duke pasur parasysh objektivat tona".AK ne vendimin për shqyrtim të datës 17.01.2018 ka konstatuar se pajisja e rekomanduar për kontratë përmban devijime të vogla. Pretendimet e OE ankues : N.T.SH "M.S, Medicom" janë të bazuar me që AK nuk ka respektuar nenit 59, 68 dhe 28 të LPP-së

OE ankues OE "Sodex Group" Sh.p.k pretendon se operatori ekonomik i rekomanduar për kontratë "AR&BUS" Sh.p.k është i pa përgjegjshëm pasi që nuk i ka plotësuar kërkesat e AK lidhur me specifikat teknike të parashtruar në dosjen e tenderit

1) Lagështia relative e ajrit për matje min 10% --max 100%

-OE i rekomanduar për kontratë në katalogun e ofruar specifikon që lagështia e ajrit është nga 20% deri 98%.

Pretendimet e OE ankues "Sodex Group" Sh.p.k ,se OE i rekomanduar për kontratë "AR&BUS" Sh.p.k , nuk ka plotësuar kërkesat lidhur me: Printeri, bateri mbushëse Letra të jetë adekuate për printer kabllot për PC . Janë të pa qëndrueshme pasi që AK ka kërkuar sqarimi si dhe ka zbatuar nenin 72 të LPP-së lidhur me dokumentacionin. Pretendimet e OE ankues "Sodex Group" pjesërisht janë të bazuar se AK nuk ka zbatuar në mënyrë të drejtë neni 59 dhe 28 të LPP-së

Janë konstatuar shkelje të LPP-së, lidhur me aktivitetin e prokurimit: "Furnizim me alkotesta " me numër te prokurimit 214-17-4710-121 iniciuar nga autoriteti kontraktues (AK) — Policia e Kosovës Shkel e nenit 28 të LPP-së (Specifikimit teknike). Shkelje e nenit 59 të LPP-së, (Ekzaminim, vlerësimit dhe krahasimi i tenderëve

- Pretendimet e OE Ankues N.T.Sh"M.S. Medicom janë të pjesërisht të bazuar sqarimet

janë të dhëna ne konstatimin, numri 2 dhe 3.

- Pretendimet e OE Ankues "Sodex Group" Sh.p.k janë të pjesërisht të bazuar sqarimet

janë të dhëna ne konstatimin, numri 2 dhe 3,

Bazuar në gjitha konstatimet dhe sqarimet e dhëna gjatë shqyrtimit të kësaj lënde, eksperti profesional i prokurimit në përputhje me nenin 114 pika 2 të LPP-së, rekomandon AK— Policia e Kosovës për aktivitetin e prokurimit "Furnizim me alkotesta " me numër te prokurimit 214-17-4710-121 , të anuloj njoftimin për dhënien e kontratës dhe ta kthej në **Ri-Vlerësim**.

Eksperti shqyrtues profesional i vlerëson pjesërisht të bazuar ankesat e:

- 1). OE ankues N.T.Sh"M.S. Medicom" nga Prishtina
- 2). OE ankues "Sodex Group" Sh.p.k nga Prishtina

Autoriteti Kontraktues –Policia e Kosovës, me datë: 08.02.2018, me anë të parashtresës, ka njoftuar OSHP-në, se nuk pajtohet me mendimin e ekspertit shqyrtues.

Operatori ekonomik ankues "SODEX GROUP " SH.P.K dhe "N.T.SH."M. S. MEDICOM"-Prishtinë, me datë:16.02.2018, me anë të parashtresës, ka njoftuar OSHP-në, se nuk pajtohet me mendimin e ekspertit shqyrtues.

Në seancën e shqyrtimit kryesor të datës 21.02.2018, ku kanë qenë prezent paneli shqyrtues, eksperti shqyrtues, përfaqësuesi i AK-se, përfaqësuesit e OE ankues, u shqyrtuan shkresat e lëndës duke e bërë kontrollimin dhe analizimin e dokumentacionit për procedurën e prokurimit i cili përbëhet nga: autorizimi i inicimit të aktivitetit të prokurimit, njoftimi për kontratë, procesverballi mbi hapjen e ofertave, vendimi mbi themelimin e komisionit të vlerësimit dhe ri-vlerësimit të ofertave, raporti i vlerësimit dhe ri vlerësimit të ofertave, njoftimi për dhënie të kontratës, ankesat e operatoreve ekonomik, raporti i ekspertit shqyrtues, parashtresat e palëve në procedurë

Gjatë prezantimit në seancë përfaqësuesi i OE ankues "N.T.SH."M. S. MEDICOM"-Prishtinë z. Ramaj deklaroj: Kjo është një prej rasteve më serioze që ka kaluar në OSHP ndonjëherë, ky rast i prokurimit për alkotesta është që katër vite në procedurë.

Kemi një urdhëresë të OSHP që ka dënuar AK-në, dhe kemi një rast të konfirmuar të falsifikimit të dosjes Që katër vite vendimet e OSHP nuk merren fare parasysh me vetmin qëllim që tenderi me ju dhanë prodhuesit Envitec pajisjes Envitec Alcoquant 6020. Rrjedhimisht që katër vite policia e Kosovës është pa alkoteste për shkak se kanë vendos se vetëm një kompani mundet me marr tenderin. Prej vitit 2014 deri në 2016, deri me 26.10.2016, kanë qenë katër ose pesë raste të njëjtit aktivitet në OSHP për arsye se AK nuk ka pranuar me ndryshuar specifikacionin teknik. Me 26.10.2016 z.Nuhi Paçarizi ka lëshuar një urdhëresë me cilën e ka dënuar AK-në pikërisht për këtë aktivitet. Pas kësaj urdhërese vjen shkelja më e rëndë që është bërë ndonjëherë. Kompania e preferuar e Policisë së Kosovës ajo ENVITEC e ka falsifikuar dosjen dhe ka ndryshuar temperaturën e operimit. Policia e ka konstatuar këtë me vendimin e datës 07.02.2017, dhe Policia me vendim e anulon tenderin prapë. Ju ofroj vendimin për anulim të tenderit. Tani vijmë te pjesa kyçe, hapet tenderi i ri për herë të gjashtë apo shtatë, dhe specifikat teknike të dosjes më nën fund janë neutrale, por janë të detajuara. Ne bëjmë kërkesë për rishqyrtim, duke ditur se pajisja tyre preferuar nuk plotëson kërkesat e tenderit, dhe me qëllim të konfirmimit a janë të sakta kërkesat e tyre. Shembull për sa sekonda duhet mu ndez pajisja, saktësia matjes dhe qëndrueshmëria në lagështi relative. Me 27.11.2017 Policia merr vendim dhe thotë këto janë saktë specifikat që i dojnë (ia ofroj panelit si provë specifikat e cekura). Si përfundim kur

hapen ofertat, e vetmja kompani që ka pajisje që plotëson gjitha këto kërkesa del që është Medicom që e përfaqëson prodhuesin më të madh botëror Draeger. Në këtë fazë kemi arsyetimin e AK-Policia e Kosovës që prapë tenderin me ja dhënë kompanisë që katër vite që synon të ja jap, dhe mos[përputhjet me i arsyetua si mospërputhje të vogla. Dy pajisjet nuk plotësojnë sikurse ka konstatuar eksperti 3 nga 15 kërkesat e dosjes së tenderit. Si përfundim me respekt kërkohet që të vendoset të paketën një standard minimal i drejtësisë dhe të mos tolerohen shkelje të tilla. Po ashtu sa i përket OE Sodex të njëjtin e kemi vlerësuar të papërgjegjshëm. Pajtohem me konstatimet e ekspertit shqyrtues.

Gjatë prezantimit në seancë përfaqësuesi i OE ankues OE "Sodex" z.Avdiu i cili deklaroj: Ne si palë e interesit nuk pajtohem me vendimin e AK-së për shpërblim të OE që është rekomanduar për kontratë. Ne kemi dorëzuar pranë AK-së edhe pretendimet tona për pikat të cilat keni edhe ju një kopje dhe besoj nuk ka nevojë të përmenden prapë në detaje. Njëkohësisht jemi pajtuar pjesërisht me mendimin e ekspertit për shkak se disa nga pretendimet tona nuk janë trajtuar fare në raportin e ekspertizës. Në të njëjtën kohë në raportin e ekspertit nuk është konfirmuar që OE Sodex nuk i plotëson kriteret e kërkuara nga AK për këtë aktivitet të prokurimit. Përfaqësuesi i OE Medicom përmendi disa pika, por njëkohësisht keni një tabelë që unë fatkeqësisht nuk e kam ku pretendohet se edhe kompania jonë nuk plotëson specifikat e kërkuara. Sa i përket OE të rekomanduar për kontratë duhet përmendur që ai OE nuk e plotëson pikën nr.1 – Lagështia relative e ajrit. Në mënyrë që të shpjegohet përfundimisht duhet të përmendet se në dosje është kërkuar që lagështinë relative të jenë nga minimum 10% deri në maksimum 100%. OE i rekomanduar për kontratë ka ofruar specifikacionin teknik që lagështia është nga 20% deri në 98%. Vlen të përmende se në specifikim teknik pas klasifikimeve-sqarimeve është kërkuar që pajisja mund të punoj në lagështi relative nga 10 deri 98%, që do të thotë se pajisja duhet të punoj edhe në lagështi relative 10% deri 19%. Pajisja e rekomanduar për kontratë nuk plotëson këtë kriter pasi minimumin e ka 20%, pra shihet se pajisja nuk ka plotësuar specifikat e kërkuara në dosje të tenderit. Për shpjegim, do marrim një analogji që të merret temperatura si njësi që të kuptohet më lehtë nga paneli pasi ndoshta është shumë teknike. Kriteri i dhënë "pajisja duhet të punoj nga 10 deri 98 gradë celsius". OE i rekomanduar për kontratë ka ofruar pajisje që punon nga 20 deri 98 gradë celsius. Pra pajisja nuk do punoj në temperaturë prej 10 deri në 19 gradë celsius, pra shihet se pajisja nuk plotëson kriteret e kërkuara. Një krahasim tjetër për pretendimet e a gabuara të AK mund të shpjegohet edhe në këtë mënyrë, AK pretendon se ka ahën tolerancë 10 deri 98% dhe se OE i rekomanduar për kontratë është brenda tolerancës së dhënë, duke ofruar 20 deri 98% të lagështisë relative. Në qoftë se kjo kuptohet si tolerancë atëherë secili OE do mund të ofroj pajisje që ka një minimum 30%, maksimum 40% lagështi relative dhe do ishte në përputhje të plotë me specifikimet teknike të detyrueshme. Por kjo nuk qëndron pasi lagështinë relative në këtë moment në këtë dhomë mund të jetë 50% apo më shumë dhe se kjo pajisje do ketë

problem gjatë funksionimit. Nga si u tha më lart shihet qartë se pajisja që plotëson kërkesat e AK duhet minimum të ketë 10% ose më pak lagështi relative dhe maksimum 98% ose më shumë. Besoj se me këtë është shpjeguar pika e lagështisë relative dhe OE i rekomanduar për kontratë nuk ka plotësuar këtë pikë të kërkuar prej AK. Gjatë qasjes në dokumente kemi has edhe disa pika tjera të OE i rekomanduar për kontratë, si mos prezantimi i lidhjeve kabllore me veturë, mbushësi EU me standarde të Evropës, OE nuk ka prezantuar asgjë në katalogun e ofruar. Nuk kemi vërejt se është specifikuar printeri i kërkuar në dosje të tenderit. Gjithashtu nuk kemi vërejt se janë specifikuar bateritë rimbushëse. Në dosje gjithashtu është kërkuar që printeri të posedoj letra termike me cilësi të lartë dhe afatgjatë të ruajtjes së tyre, OE nuk ka specifikuar fare edhe këtë pikë. Në dosje është specifikuar që pajisja të posedoj kabllo për lidhje me kompjuter dhe as kjo nuk është e specifikuar. Kjo ishte sa i përket OE të rekomanduar për kontratë. Sa i përket OE Medicom pretendohet se i plotëson gjitha kriteret nga AK, por i njëjti nuk i ka dëshmuar ato me katalog. Do thotë ka katalog por nuk ka dëshmuar gjitha pikat me katalog. AK pretendon se prodhuesi i ka konfirmuar specifikimet e kërkuara, duke aluduar se nuk i ka ndryshuar ende në internet. Nëse kjo merret për bazë atëherë pse AK nuk ka vepruar njëjtë për të gjithë OE-të duke konfirmua specifikimet teknike me secilin prodhues. Secili prodhues mund të pretendoj se pajisja tyre plotëson specifikat teknike të kërkuara por kjo nuk dëshmon se produkti i ofruar është 100% sipas kërkesës së AK. Njëherit OE Medicom për kriterin e kohës së matjes së rezultateve, ka dorëzuar katalog ku shihet se koha për matjen e sasisë 0.5mlg/L është deri në 12 sekonda, që shihet se nuk plotëson kriteret e kërkuara të tenderit, pasi që kriteri i kërkuar është 10 sekonda. Njëheri në konfirmimin e prodhuesit ka mospërputhje ku thuhet se koha matjes për 0.5mlg/L është 10 sekonda por në temperaturë të dhomës, që në kushte reale do të jetë -5 ose -10 që është rasti kur matja bëhet natën do thotë mund të jetë edhe më e gjatë. Kriteri i AK-së thotë që matja e rezultateve duhet të bëhet deri në një maksimum 10 sekonda për të gjitha matjet. Kjo vë në dyshim se sa është koha matjes në një temperaturë reale -5 deri -10 që shpesh ndodhë në Kosovë apo janë kushte normale të punës në të cilat përdoret pajisja, apo sa është koha e matjes në 3mlg/L që është rangi i matjeve i dhënë nga vet prodhuesi. Nga kjo shihet se edhe nga katalogu i dorëzuar edhe nga konfirmimet e prodhuesit Draeger kjo pikë nuk përmbushet nga OE Medicom. Që të shpjegohet më mirë, në momentin kur një person ka bërë një matje do zgjatë 10 sekonda sipas prodhuesit, por në momentin kur ka pirë jashtë mase atëherë mund të zgjas në kohë të pacaktuar pasi nuk është specifikuar fare as në katalog as në konfirmimin e dërguar nga Draeger tek AK. Në raportin e ekspertit shqyrtues kemi parë një pikë që ka adresuar nga ana e OE Medicom, për mos përputhjen e temperaturës nga pajisja e ofruar nga ne. Që të sqarohet kjo ne inkurajojmë që edhe për specifikimet tona të kërkoj konfirmim nga prodhuesi. Njëherit duhet të sqaroj se thuhet se janë dorëzuar dy versione të katalogut dhe kjo ka ndodh për shkak se AK kërkon që të gjitha kërkesat e parashtruara me dosje të tenderit, të dëshmohen me katalogë dhe dokumente teknike nga prodhuesi, pasi gjitha kërkesat e AK nuk

ishin në njërin dokument, atëherë kemi dorëzuar dy broshura apo katalogë, e njëra është version shumë më i vjetër e katalogut të printuar që këtë kishte mospërputhje të temperaturës. Pra temperatura ofruar nga ne është dëshmuar me dokument të ofruar nga prodhuesi dhe konform kërkesës së AK. Do kërkoja që një kopje të pretendimeve të Listës që është bërë kundër OE Sodex ose për pajisjen që kemi ofruar, të sigurohet një kopje edhe për ne që të kuptojmë cilat janë pikat që pretendon OE "Medicom" se nuk kemi plotësuar.

Gjatë prezantimit në seancë përfaqësuesja e AK-së znj.Bllaca deklaroi: Duke dëgjuar kompanitë që patjetër dëshirojnë të kenë kontratë dhe duke përlyer njerëzit është shqetësuese. OE Medicom në kërkesën pranë AK ka cek se Policia ka kërkuar alkotestat më të mirë në rajon. Pas shqyrtimit kemi dhënë përgjigje se kjo është përzierje në kompetenca të AK-së. Policia e Kosovës specifikat teknike për alkotest i ka hartuar bazuar në LPP neni 28 dhe UOPP-së neni 20. Specifikat janë bazuar në objektivat e policisë, temperatura, rrethanat. Asnjë institucion në Kosovë nuk e mat koncentrimin e alkoolit në organizëm, as përmes gjakut as përmes urinës. Çdo person që dënohet për vozitje nën ndikim duhet me pas prova që prezantohen në gjykatë etj. Prandaj alkotestat janë kërkuar sipas standardeve Evropiane. Sa i përket projekteve të kaluara, pretendimi i OE për falsifikim, falsifikimi dhe fshehja provave është vepër penale. Ne si AK kemi kontaktuar me prodhuesin dhe prodhuesi ka konfirmuar se ja ka dërguar katalogun e vjetër dhe kemi anuluar projektin. OE i rekomanduar për kontratë i plotëson gjitha specifikat teknike. Këtu keni specifikat teknike dhe sqarimet. Çka duhet të cek se lagështia relative e ajrit është minimum 10, dhe maksimum 100%.

Gjatë prezantimit në seancë ekspertit shqyrtues z.Statovci deklaroi: Ankuesi i dytë OE Sodex Group, nuk ka në ankesë të vet asnjë pretendim për OE Medicom. Sodex Group ka dy pretendime për OE të rekomanduar për kontratë për të cilat sqarimet i kam dhënë qartë në konstatimin nr.3 sa i përket lagështisë relative dhe kam thënë se janë të paqëndrueshëm pretendimet për printer. OE i parë ankues Medicom, ka pretendime ndaj OE të rekomanduar për kontratë dhe ka pretendime ndaj OE Sodex Group të cilat në mënyrë detale janë konstatuar në konstatimin nr.2. AK me shkresën e datës 17.01.2018 konstaton se edhe OE i rekomanduar për kontratë ka disa devijime të vogla të cilat nuk ndikojnë në pajisje, dhe pas parasysh gjitha këto kam menduar të kthehet lënda në Rivlerësim derisa OE fitues ka çmim 95,760.00€, OE Sodex Group ka çmim 99,339.60, ndërsa OE Medicom ka çmimin 109,188.00€, pavarësisht çmimit mendoj se duhet kthyer në rivlerësim që të verifikoj edhe njëherë AK, pasi të gjithë OE-të kanë devijime të vogla.

Në fjalën përfundimtare përfaqësuesi i OE "Medicom" z.Ramaj deklaroi: Problemi me manipulim me dosje qëndron se kur kanë dal specifikimet teknike kemi dërguar kërkesë për rishqyrtim dhe kemi thënë po lypni mu dhezë brenda 5 sekondave, ka pajisje që për 5 sekonda kushtojnë deri 900€ e për 10sekonda është

përgjysmë më lirë. Andaj ose konsideroni devijime të vogla dhe të ofertojmë me pajisje që kanë pak sekonda diferencë. Me vendim AK kanë kthyer e zezë në të bardhe dhe kanë kërkuar 5 sekonda dhe na kanë detyruar për të qenë të përgjegjshëm të oferton me pajisjen më të shtrenjtë. Në 6 tender tjerë kemi pas pajisje tjera të Draeger. I propozojmë panelit të aprovohet ankesa jonë si e bazuar dhe lënda të kthehet në Rivlerësim.

Në fjalën përfundimtare përfaqësuesi i OE "Sodex" z.Avdiu i cili deklaroi: Qëndrojmë pranë ankesës dhe pretendimeve ankimore dhe i propozojmë panelit të aprovoj ankesën tonë si të bazuar.

Në fjalën përfundimtare përfaqësuesja e AK-së znj. Bllaca deklaroi: I dorëzoj panelit shqyrtues një kopje fizike të provave që dëshmojnë vendimin e AK-së si dhe kam vërejtje për panelin për kohën shumë të shkurtë në fjalë përfundimtare.

Në fjalën përfundimtare eksperti shqyrtues z. Statovci deklaroi: Qëndroj pranë raportit të ekspertizës dhe konstatimeve të dhëna në ekspertizë.

Paneli shqyrtues, pas shqyrtimit të shkresave të lëndës, shqyrtimit të pikave pretenduese të parashtruesit të ankesës, konstatimeve, analizës konkrete dhe rekomandimeve të ekspertit shqyrtues dhe shoshitjes së provave në tërësi gjatë seancës për shqyrtim kryesor, sqaron se OE-et ankuese janë shpallur si tenderues të pasuksesshëm, dhe se ofertat e tyre janë më të shtrenjta se kompania e rekomanduar për kontrate.

Paneli shqyrtues duke u bazuar në të gjitha dëshmitë që ka pasur në dispozicion, sqaron se Gati për përdorim është kërkuar max. 5 sekonda, ndërsa OE i rekomanduar për kontratë ka ofertuar me përafërsisht 6 sekonda. Lidhur me këtë çështje, Paneli shqyrtues sqaron se AK-ja i është drejtuar kompanive prodhuese me, duke kërkuar sqarimet rreth specifikave teknike të ofruara dhe atyre të publikuara. Në sqarimet e ofruar nga kompanitë prodhuese, ceket se gati për përdorim është afërsisht 6 sekonda, prandaj këtë çështje paneli shqyrtues e konsideron devijim të vogël sipas nenit 59 paragrafi 4 pika (ii) të LPP-së ku shkruan.

Paneli shqyrtues e konsideron devijim të vogël këtë çështje, duke pasur për bazë edhe Planin Zhvillimor Strategjik 2016-2020 të Policisë së Kosovës, Objektivi 1 - Ofrimi i sigurisë publike dhe forcimi i bashkëpunimit me qytetarë, nga ku rrjedh objektivi specifik 1.2. Ngritja e nivelit të sigurisë në komunikacionin rrugor dhe parandalimi i aksidenteve, po ashtu bazuar në Planet vjetore të MPB-së dhe PK-së për vitet 2016, 2017 dhe 2018, parashihet furnizimi dhe modernizimi me pajisje për rregullim, kontrollim, identifikim, dhe dëshmim të kundërvajtjeve në trafikun rrugor, sipas standardeve të cilat aplikojnë policitë e

shteteve bashkëkohore/vendeve të zhvilluara. Po ashtu në Kosovë sa i përket matjes/analizës dhe vlerësimit të koncentrimit të alkoolit në organizëm nuk ka ndonjë institucion që e kryen këtë analizë, andaj është e pamundur që me pajisjet aktuale për matjen e alkoolit të sigurohet dëshmia.

Prandaj, në këtë kohë (viti 2018) nuk mund të mendohet që pajisjet që përdorin policitë e ndryshme po ashtu edhe Policia e Kosovës, të mos ketë mundësi dëshmimi mbi veprimet e ndërmarra nga polici me pajisjet të cilat i kanë në shfrytëzim, dëshmi të cilat mandej përdoren për të argumentuar punën/veprimet e ndërmarra para institucioneve relevante sidomos pranë gjykatave dhe atë bazuar në ligjet në fuqi.

Paneli shqyrtues konstaton se ekzaminimi, vlerësimi dhe krahasimi i tenderëve është bërë në harmoni me nenin 59 të LPP-së dhe njëkohësisht është respektuar edhe kriteri kryesor për dhënie të kontratës, e që ka qenë tenderi i përgjegjshëm me çmim më të ulët, konform nenit 60 të LPP-së.

Paneli shqyrtues konform nenit 117 të LPP-së, si dhe duke u bazuar në provat e prezantuara si më lart vendosi si në dispozitiv të këtij vendimi.

KËSHILLË JURIDIKE:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës themelore-Departamentit për çështje Administrative për kompensim dëmi ne afat prej 30 ditësh nga data e pranimi të vendimit .

Vendimi t'i dorëzohet:

- 1x1 AK "Policia e Kosovës"
- 1x1 OE "SODEX GROUP SH.P.K" -Prishtinë"
- 1x1 OE N.T.SH."M. S. MEDICOM"-Prishtinë
- 1x1 Arkivës së OSHP-së;
- 1x1 Për publikim në web- faqe të OSHP-së.


Kryesuesi i Panelit Shqyrtues
Z. Goran MILENKOVIĆ